

三进公传略

余尝读史至五代，而叹天下之多故矣。中原方战争不息，而江淮、楚、蜀、闽、广间割据者，复星罗棋布。其中一二功臣，大都诈力相尚。苟图功名，不顾国脉，谁克求中臣于孝子之门。内扶社稷，外攘强邻。如梁王礼贤下士，以徵吾祖进峰、进鸿、进颇三公者，惜真主未出，嗣君荒淫，不克尽其才，悲夫！今采摭史志，次其遗事，而见其志，苦其心，尤足哀不禁，执笔而泪涔下也。吁后世子孙，尚有数典勿忘诸祖。祖进峰，名文洪，字希峻，号仰轩。茶之上塘籍也。少负奇才，气节慨然，有澄清天下志，而尤邃于经术，善于会计，以故名闻当世。咸曰：斯人不出，如苍生若何？天佑丁卯（公元九〇七年）朱温篡唐，建元开平，召募九路良才壮士以守其国。末帝乾化元年癸酉（公元九一三年）三月，梁王闻祖德才，遣使赉聘至茶，起祖出山。见祖丰颐广颡，音如黄钟。与论及世事，无不切

中。因从容问兄弟几人？峰祖曰：仲鸿、季颇、使曰：其才德似公否？峰祖曰：博通今古，揣测时事，运筹帷幄，决胜千里，吾不如弟鸿。奏陈利弊，详明恺切，临戎破敌斩将祭旗，吾不如弟颇。使益喜，请修士见礼。且曰：余复命将以饶王，币至二公勿却也。自是祖鸿祖颇之名益著，时称尧溪三杰云。四月王征三祖人朝。命峰祖掌武库，兼理帑藏。见鸿祖眉目英郎，神力渊源，授统兵司马。颇祖时年十五，身长六尺五寸，腹腰十围，目闪如电，精光四溢，状尤奇伟，命典属国左殿将军。越七月王嘉其辅政勤谨，屡立战功。敕封峰祖朝议大夫，仍管帑库。封鸿祖朝奉大夫，兼统兵司马。封颇祖武功大夫，金吾左殿镇国上将军。诰赠三代以示优荣。时王就长沙开福寺建天策府，延纳诸学士谈笑樽俎，竟日吟咏。江南处士献诗曰：药灵丸不大，棋妙子无多。峰兄弟在座相谓曰：具通治兵之道矣。后唐明宗长兴三年壬辰（公元九三二年），希范嗣位奢淫无度。戴偃作诗讽之。王致死，峰祖力保王不允。峰祖兄弟复为保奏不获，心忧国事，日非思为补益。适南苗叛，奉檄率精骑五千，横刀越险。万马奔腾林木尽偃，呼声震天，贼趋山巅，发矢石雨，伤数十人，无敢回顾者，苗贼大惊。曰：此老将军将令如山，不可敌也。是役斩上将一，裨将二，获器械

旗帜马匹无数。余贼逃窜，追之直捣其穴。阻道者灭之，格斗者杀之，掳归者抚降之，南苗平。立铸铜柱于西溪州，以纪其功。颇祖尝欲迎养兴祖，以乐天伦，兴祖谕之曰：儿辈须诚心王室，图功麟阁，扬名后世，以显父母，予愿足矣。勿以老人为念后晋出帝天福二年癸卯（公元九四三年）十月颇接家书父丧母病，呼天号泣上书，陈情迄归治丧，王不允。颇语曰：国步孔艰，又丁此家难，生不能尽养，死不能尽哀，奚用子为？遂挂冠归。有司奏以擅离军次，罪同叛逆，请讨之。峰祖单骑夜遁，谓颇祖曰：为之奈何？王师至矣。吾属立为齑粉。颇祖曰：生以忠死以孝吾何憾焉。于是啮指滴血，上书陈情，臣无叛意。书尚未报遂自刎。王至云阳沐水，览表甚喜。饿闻自尽，乃大痛流涕，谓诸将曰：坏我长城，遂班师归。遣使葬祭，优加恤典，谥忠勇。而后峰祖赐谥端洁。鸿祖赐谥襄敏。三公在朝恬淡自持不矜功不遂爵。不趋权势，咸奏民间疾苦，言之流涕。或荐引人才，不避亲怨。或借诗箴规吁尧弗舜，务达其诚。乃以民间以其会御大灾，捍大患，功德不可泯灭。远者勿论，近而攸邑、酃县、茶陵、陇上、南庄、尧奚神仙岭均建祠祀之。一本堂曰：经云，始于事亲，终于事君。忠孝难两全矣。三公同仕一朝，为将为相均建奇勋。名勒鼎钟，可

谓壮哉。及奔丧获罪，而云阳一表，心迹已明。血斑淋漓在，王亦隐谅之矣。谁为壤汝长城者，吁孝友忠义出自一门，古未有也。薛氏三凤，崔家三戟战，宜其廉让未遑矣。虽然史志于颇祖，称其具文武才。盖当时尤为杰出云。

摘自《湖南茶陵谭氏十八宏首修通谱》

湘潭谭氏源流编纂委员会